

## Nr 769

**Stáhtaráđi ášahus****dihto boazodoalu ja luondduealáhusaid velggiid ordnedeamiis**

Addojuvvon Helssegi borgemánu 10. beaivve 2000

Stáhtaráđi eana- ja meahccedoalloministeriija áššemeannudeami vuodul dahkkojuvvon mearrádusa mielde, mearreduvvo 21. beaivve ođđajagimánus 2000 addojuvvon boazodoallo ja luondduealáhusaid ruhtadanlága (45/2000) mielde:

## 1 Lohku

**Almmolaš njuolgadusat**

## 1 §

*Heivehansuorgi*

Dát ášahus heivehuvvo boazodoalu ja luondduealáhusaid ruhtadanlága (45/2000), mannelis ruhtadanlaga, 6 ja 11 loguid čuovvu eaktodáhtolaš vealgeordnedeamiid ja mearreáiggi siste fámus leahki doarjagiid ollášuhttimii

## 2 §

*Gearddelunddotvuohta*

Seamma loana sáhtá dán ášahusa vuodul ordnedit dušše oktii, jus mannelis ii nuppe láhkai mearreduvvo. Ovddemustá ordnedeapmi dahkko ruhtadanlága 11 logu mielde. Ruhtadanlága 6 logu čuovvu friijaeaktosaš vealgeordnedeami ja 11 logu čuovvu mearreáiggi siste fámus leahki doarjagiid galgá ohat seamma heave. Eaktodáhtolaš vealgeordnedeami sáhtá goittotge ohat, vaikke ii ozašiige 11 logus oaivvilduvvon doarjaga.

Jus fitnodahkii lea juo miedehevvon dán ášahusa čuovvu doarjaga iige doarjaga miedeheamis leat gollan eanet go vihtta jagi, de ođđa doarjaga ii sáhte miedehit, earágo spiehkastatdiliin ja vuordetmeahtun diliin, mat eai gula fitnodaga ovddasvástádusa vuollái. Dákkáraš dillin sáhtá lohkat ohcci buohcuvuoda, bissovaš bargonávccahisvuoda, guhkesáigásaš bargguhisvuoda, fuolahangeatnegasvuoda čielga lassáneami dahje dáid sulasaš erenomáš siva.

Mearreáigásaš máksinfriijavuodaid ja máksingeahpudemiid miedeheami guoskevaš bargofáb-

mo- ja ealáhusguovddáza ja eana- ja meahccedoalloministeriija čovdodumit galget dahkkojuvvo manjimustá juovlamánu 31. beaivve 2001.

## 2 lohku

**Eaktodáhtolaš vealgeordnedeapmi**

## 3 §

*Vealgeordnedeami gáibádusat ja vuogit*

Eaktodáhtolaš vealgeordnedeami gáibádussan lea earret 31 §:a 4 momeanttas oaivvilduvvon dilis dat, ahte reantodoarjjaloana ja eará loana miedehean velgojeaddjiin eanemus mearkkašahhti loanaaddit iežas bealis váldet oasi velggiid ordnedeapmai ruhtadanlága 30 §:a 4 momeanttas oaivvilduvvon vugiiguin. Eaktun lea, ahte dat eai leat vealgeordnedeami vída ovddit jagi áigge čielgasit vuolidan vealgeordnedeami ohcci jahkásaš vealggidikšungoluid nu, ahte vída jagi áigge miedehevvon geahpedemiid vuhtii válddedettiin ruhtadanlágas mearreduvvon gáibádus ollášuvvá.

Persovna ahki ii leat hehttehussan eaktodáhtolaš vealgeordnedeami ollášuhttimis.

Eaktodáhtolaš vealgeordnedeamiis velggolačča máksinnávccaid máhcaheamis galgá vuosttažettiin joatkit loanaid ja oazžumiid ruovttoluottamáksináiggi, miedehit daidda manjideamiid ja vuolidit reanttu.

## 4 §

*Eaktodáhtolaš vealgeordnedeami ohcan*

Eaktodáhtolaš vealgeordnedeapmi ohccojuvvo bargofábmo- ja ealáhusguovddázis eana- ja meahccedoalloministeriija nannen skoviin.

Ohcamuššii galgá laktit čuoovvovaš čilgehusaid:

1) kopijjaid ohcci ja su beallelačča vearroalm-muhusain ohcamuša ovddit jagis sihke ohcci ja beallelačča vearroduodaštus guovtti mañimuš doaimmahuvvon vearuhusas;

2) čilgehus ohcci velggiiguin eana- ja meahccedoalloministeriija nannen skoviin;

3) čilgehus ohcci ekonomalaš dilis eana- ja meahccedoalloministeriija nannen skoviin;

4) čilgehus ohcci opmodagas eana- ja meahccedoalloministeriija nannen skoviin;

5) girjjálaš čilgehus ohcci ekonomalaš váttisvuodaidda váldosivain;

6) girjjálaš čilgehus dálle vealtameahtun investendárbbus čuoovvovaš viđa jagi áigge.

Girjjálaš čilgehusa fitnodaga ekonomalaš dilis eana- ja meahccedoalloministeriija nannen skoviin dahká bargofábmo- ja ealáhusguovddáša dohkkehuvvon ráđdeorganisašuvnna doaibmaolmmoš dahje sullasaš eará olmmoš, geas lea doarvái buorre áššedovdamuš ja vásáhus aššáigullelaš doaimmas.

Bargofábmo- ja ealáhusguovddáš sáhtá gáibidit ohccis ášši giedahallamii earáge dárbbaslas čilgehusaid go, mat leat 2 momeanttas oaivvilduvvon.

## 5 §

### *Ohcamuša giedahallan*

Bargofábmo- ja ealáhusguovddáš bivdá ohcamuša váldovelgoheaddjiid cealkámušaid ja almmuhusaid das, ahte álgetgo dat ordnedit sin oázumiid.

Ohcamuša, velgoheaddjiid addán cealkámušaid ja miehtamiid sihke eará čielggadusaid, maid bargofábmo- ja ealáhusguovddáš lea skáhpon, bargofábmo- ja ealáhusguovddáš árvoštallá, sáhttitgo dadjat ohcci gártan bissovaš ekonomalaš váttisvuodaide ja návdojuvvogo vealgeordnedeami čielgasit dásset velgolačča ekonomalaš dili. Jus bargofábmo- ja ealáhusguovddáš oaidná, ahte daddjon gáibádusat eai gávdno, de dat galgá addit mearrádusa áššis. Jus gáibádusat leat, de galgá bargofábmo- ja ealáhusguovddáš doaimmahit ohcamuša cealkámušain ráddenorgánisašuvnna olbmui, man bargofábmo- ja ealáhusguovddáš oaidná gelbbolažžan dahje sullasaš eará olbmui, geas lea doarvái buorre áššedovdamuš ja vásáhus aššáigullelaš doaimmas, vealgeordnedeapmeplána dahkamii.

Jus ohcci lea ohcan eaktodáhtolaš vealgeordnedeami lassin mearreáigásaš máksingeahpudeami. Dalle bargofábmo- ja ealáhusguovddáš galgá vuosttadit mearrádusa eaktodáhtolaš vealge-

ordnedeamis, ja easkka dan mañná galgá doaimmahit máksingeahpudeapmeohcamuša eana- ja meahccedoalloministeriija giedahallamii.

## 6 §

### *Vealgeordnedeapmeplána dahkan*

Plánejeaddji galgá dutkat ohcci dili, doaimma, fitnodaga ja fitnodatolbmo ekonomalaš dili sihke vejolašvuodaide opmodaga ruhtan dahkamii dahje eará vugiin buoridit ohcci máksinattáldagaid ja fidnodaga doaibmavejolašvuodaid.

Vealgeordnedeapmai gullelaš doaibmaplána galgá sisttisdoallat árvoštallama fitnodaga boaduid ja goluid ovdáneamis čuoovvovaš golmma jagi áigodagas sihke čilgehusa daid doaimmain, maiguin velggolaš áigu buoridit fitnodaga doaimma. Plánas galgá leat dáid lassin árvoštallan, mas árvoštallojuvvo vealgedikšungoluid vuolideami dárbu.

Doaibmaplána galgá sisttisdoallat čielggadusaid muorravuovdinboadiin čuoovvovaš viđa jagi áigge, opmodaga vuovdimis bohtán boadiin sihke das, mo fidnodaga doaimma sáhtá beaktimahttit ja dan goluid geahpedeamis gánnátmeahtun buvttadeami osiid heaittithemiin dahje eará vugiin.

Jus plánejeaddji ja ohcci ovttasrádiid gávnnaheaba, ahte vealgeordnedeami gáibádusat eai leat, plánejeaddji galgá almmuhit girjjálaččat velgoheaddjiide ja bargofábmo- ja ealáhusguovddážii, ahte plánen ii jotkojuvvo ja seammas galgá máhcahit ohcamuša bargofábmo- ja ealáhusguovddážii.

Muđuid plánejeaddji galgá doaimmahit plána bargofábmo- ja ealáhusguovddážii, mii dárkkista plána ja gáibádusaid ollášuhtedettiin addá mearrádusa stáhtaloanaid ja stáhta oázumiid ordnedeamis ja goluid buhttemis sihke dahká plána mielde ráhkaduvvon soahpamuša.

## 7 §

### *Máksinfriijavuohka vealgeordnedeamis earenomáš lossa sivaidda geažil*

Eana- ja meahccedoalloministeriija sáhtá miedehtit velgolažžii ruhtadanlága 31 § 2 momeanttas čilgejuvvon máksinfriijavuoda stáhtaloanaid oanedanmávssuin, jos velgolačča máksinávcca ii sáhte máhcahit eará vugiiguin. Máksinfriijavuoda miediheami gáibádussan lea ohcci girjjálaš čielggadus das, ahte máksinfriijavuodain sáhtá dorrvastit ohcci ja su bearraža visti, mas velgolaš váldooasis ássá. Máksinfriijavuoda sáhtá miedehtit stáhtaloanaid kapitála vuolidemiin.

Ruhtadanlága 31 §:a 3 momeanttas oaivvilduvvon máksinriijavuoda sáhtta miedehe bargofábmo- ja ealáhusguovddáš.

## 8 §

*Reantodoarjjaloanaid ordnedeapmi*

Bargofábmo- ja ealáhusguovddáš sáhtta lohpidit vealgeordnedeami jus eaktodáhtolaš vealgeordnedeapmi guoská dušše reantodoarjjaloanaid. Vealgeordnedeami eaktun lea goittotge dat, ahte loatnalágádus ja velgolaš leaba ovttaoaivilis plánejuvvon doaimmain. Reantodoarjjaloanaid eaktodáhtolaš vealgeordnedeamiin loatnaáiggi oázžu joatkit eanemustá ruhtadanlága 27 § 1 momeanttas oaivvilduvvon eanemusmeari rádjai.

## 9 §

*Goluid buhtten*

Bargofábmo- ja ealáhusguovddáš mearreda vealgeordnedeapmeplána dahkamis ohccái šaddan goluid buhttemis. Iežasgoasttidanoassi ja goluid buhttemii gullelaš doaimmat mearreduvvojit dárkkileappot Eana- ja meahccedoalloministeriija ášahusain.

## 10 §

*Vealgeordnedeami fábmuiboahtin*

Vealgeordnedeapmesoahpamuš boahtá fábmui bargofábmo- ja ealáhusguovddáša, vealgeordnedeapmesoahpamušas máinnašuvvon velgojeaddjiid ja ohcci vealgeordnedeami vuolláičáledettiin.

Jusbuot vealgeordnedeapme-soahpamušas máinnašuvvon velgoheaddjit eai čále vuollái soahpamuša, sáhtta dat goittotge boahtit fábmui daid bealis, geat leat vuolláičállán soahpamuša dainna eavttuin, ahte soahpamuša olggobeallái báhcán velgojeaddjiid oázžumat eai leat badjel vihtta proseantta ohcci velggiin, mat gullet soahpamuššii.

Jus eai leat gáibádusat vealgeordnedeapmesoahpamuša vuolláičállimii dahje jus soahpamuš ii boade fábmui, bargofábmo- ja ealáhusguovddáš ferte dan lassin guorahallat stáhtaloanaid ja stáhta eará ožžumiid gáibádusaid, mat leat runtadanlága 30 §:s.

## 11 §

*Vealgeordnedeapmesoahpamuša čuovvun ja rievdadeapmi*

Velggolaš lea geatnegahtton addit bargofábmo- ja ealáhusguovddášii dárbbášlas dieđuid vealgeordnedeapmesoahpamuša čuovvumá váras. Dat

diehtu, mii guoská dan, galgá laktojuvvot vealgeordnedeapmesoahpamuššii.

Bargofábmo- ja ealáhusguovddáš galgá čuovvut vealgeordnedeapmesoahpamuša ollášuvvama. Dat galgá gohcit earenomážit dan, ahte plánii gullevaš árvvoštallamat ja doaibmabijut vealgeordnedeami ollášuhttimis bissot áigemeiriid siste ja dakkárin, áhte daid sáhtta ollášuhttit. Bargofábmo- ja ealáhusguovddáš sáhtta dárbbu mielde skáhppot bálvalusaid tehnikkalaš čuovvumii hálddahussuorggi olggobealde. Stáhta buhte daid goluid, mat bohtet bargogohččumiin.

Vealgeordnedeapmesoahpamuša sáhtta dárbbu mielde rievdadit soahpamušas namuhuvvon njuolggadusaid mielde. Stáhtaloanaid ja stáhta eará oázžumiid bealis rievdadusohcama dihte dahkkojuvvon vealgeordnedeami dárkkistusat bohtet čuovvuma láhkai vealgeordnedeapmesoahpamuša rievdatkeahhtá.

## 12 §

*Eaktodáhtolaš vealgeordnedeami healban*

Jus eaktodáhtolaš vealgeordnedeapmi ruhtadanlága 34 §: mearreduvvon eavttuin mearreduvvo healbat, máhcahuvvojit stáhtaloanat ja stáhta eará oázžumat dan sturrosažžan go dat ledje ovdal soahpamuša dahkama. Dain goittotge geahpeduvvojit máksojuvvon oanádusat, reanttut ja eará mávssut. Mávssut čujuhuvvojit ovddemustá reantuide ja de easkka kapitálaide, jus eará ii sáhte čájehe.

Vealgeordnedeapmesoahpamušas vuoliduvvon reantodoarjjaloana reanttut meari lea vejolaš mearredit máhcahit loatnalágádusii dan áigečuooggas, goas ruhtadanlága 34 §:s oivvilduvvon healbanáigga lea ilbman. Muđuid reantodoarjjaloanaid ja eará bándkoloanaid bealis meannuduvvo vealgeordnedeapmesoahpamuša healbbadettiin nu movt lea soahpamušas sohppojuvvon.

## 3 lohku

**Doarjagat, mat leat fámus mearreáiggi**

## 13 §

*Gáibádusat*

Mearreáiggi fámus leahki doarjaga miedeheami gáibádussan lea, ahte ekonomalaš váttisvuodaid siva ii leat velggolačča láhttemis. Vealgáduvva ii sáhte dulkot boahtán iežas sivas, jus máksinnávccahisvuoda siva lea:

1) buohccivuotta, man sivas velggolaš lemasán ánsšášanvelolašvuodaidis;

- 2) bissovaš bargonávccahisvuohta;
- 3) guhkesáigásaš bargguhisvuohta;
- 4) fuolahangeatnegasvuođa čielga lassáneapmi
- 5) konjuktuvramolsašuddamiid dagahan dahkásusárvvu mearkkašahhti njiedjan:

6) luonddudiliid spiehkastatlágan nuppástuvvan;

7) buktagiid spiehkastahkki haddemolsašupmi;

8) eará dáidda bálddalasti siva geažil

Bargguhisvuohta dulkojuvvo guhkesáigásažžan jus dat lea joatkašuvvan boatkanmeahttum dahje measta boatkanmeahttum guokte jagi. Studeantta dahje oahppo-, dikšun-, dahje vuorrolobis leahki olmmoš ii lohko bargguheapmin.

Doarjaga miedeheami eaktun lea, ahte máksinnávccahisvuođa dihte leat bohtán baggonisteami áitta, loanaid eretcealkin dahje eará sullasaš loanaid máksimassii oažžundoaibma.

#### 14 §

*Máksinfriijavuoda miedeheapmi stáhta oažžumiidda ruhtadanlága 66 §:a mielde*

Ealáhusa hárjeheami ja vistti háŋkemis bohtán stáhta oažžumiid ja reanttuid máksimii sáhtta miedihit ruhtadanlága ásašusa mielde máksinfriijavuodaid dan láhkai, ahte máksinfriijavuotta ii gáibit eará velgoheaddjiid oassálastit sullasaš meannudeapmai iežas oažžumiid bealis.

#### 15 §

*Gánnáhahttivuoda árvvoštallan*

Bargofábmo- ja ealáhusguovddáš dahká árvvoštallama gánnáhahttivuodas. Bargofábmo- ja ealáhusguovddáš sáhtta dárbbu mielde bivdit lassečilgehusaid ráddenorgánisašuvnnain. Árvvoštallamis galgá dahkkot áššegirji.

Gánnáhahttivuoda árvvoštallan ii gáibiduvvo jus ruhtadanlága 66 §:s oaivvilduvvon máksinfriijavuotta ohccojuvvo dušše vistti skáhppomis bohtán stáhtaloanaid ordnedeapmai. Velggolaš galgá goittotge ordnet ekonomiiječilgehusa, mas galgá oidnot, ahte velgolažžii bohtá ruhta báhcán visteloanaid dikšumii.

Go árvvoštallojuvvo velggolačča máksinvejolašvuodaid, de ferte váldit vuhtii velggolačča opmodat, opmodaga ruhtan nuppástuhtin, velggolačča nettobođuht sihke su dinenvejolašvuodas su agi ektui, bargonávččaid ektui ja eará diliid ektui. Maiddái galgá váldit vuhtii velggolačča vealta-meahttun eallingoluid, velggolačča fuolahangeatnegasvuođa sihke eará sullasaš velggolačča máksinattáldagaide váikkuheaddji sivaidda.

#### 16 §

*Máksinfriijavuoda ohcan*

Máksinfriijavuoda galgá ohcat eana- ja meahcedoalloministeriija nannen skoviin. Ohcamuša galgá doaimmahit guovllu bargofábmo- ja ealáhusguovddáži juovlamánu 31 beaivve rádjai.

Ohcamuššii galgá laktit čuoovvovaš čilgehusaid:

1) kopijaid ohcci ja su beallelačča vearroalm-muhusain ohcamuša ovddit jagis sihke ohcci ja beallelačča vearroduodaštus guovtti manjimuš doaimmahuvvon vearuhusa;

2) loatnalágádusa čilgehusa 10.9.1993—1.5.1999 bohtán stáhtaloanaid kapitála- ja reantoreastamávssuin;

3) loatnalágádusa čilgehus daid stáhtaloanaid oanádus- ja reantoeiriguin, maidda leat miedehuvvon máksinmanjideamet 1.11.1996—1.5.1999.

#### 17 §

*Ruhtadanlága 67 §:as oaivvilduvvon máksingeahpedeami miedeheapmi reantodoarjjaloanain*

Loatnalágádusat sáhttet miedehit reantodoarjjaloana earenomáš ekonomalaš váttisvuodaide šaddan ealáhusa hárjeheaddjiid ekonomalaš dili dássemii. Reantodoarjjaloanaid sáhttet miedehit ruhtadanlága 3 §:as meroštallojuvvon loatnalágádusat. Loatnalágádus sáhtta miedehit reantodoarjjaloana eanemustá eana- ja meahcedoalloministeriija reantodoarjjamearrádusas daddjon meari.

#### 18 §

*Reantodoarjjaloana miedeheami gáibádusat*

Reantodoarjja sáhtta miedehuvvot iežas vistti skáhppomii dahje ealáhusa hárjeheamis šaddan loatnalágádusaid friijaruhtaduvvon loanaid dássemii.

Visteloatnan lohkkokuovvojit odđa vistti huksemis, gárvves vistti oastimis, vistti viiddideamis dahje vuodđodivvumis bohtán loanat ja loanaide gullevaš veaht ja eará golut. Visteloanaide lea gáibádus dat, ahte ávkeoažžu geavaha váldololanid cuozahahkan leahki vistti iežas dahje su bearraža lahttuid fásta ássanvistin.

Ealáhusa hárjeheapmai guoski loanaid ja loanaide gullevaš veaht ja eará goluid dássemii lea vejolaš miedihit reantodoarjjaloana, jus velggolaš buktá čilgehusa das, ahte loanat leat loktejuvvon ja geavahuvvon ollásit dan ealáhusa hárjeheapmai, man doaibmasuorggis ealáhusa hárjeheaddji ain bargá.

## 19 §

*Gánnáhahttivuohtaárvoštallani*

Bargofábmo- ja ealáhusguovddáš dahká árvoštallama gánnáhahttivuodas. Bargofábmo- ja ealáhusguovddáš sáhtta dárbbu mielde bivdit lassečilgehusaid ráddenorgánisašuvnnain. Árvoštallamis galgá dahkkot áššegirji.

Jus ealáhusa hárjeheaddji loatnamearri lea nu stuoris, ahte loana miedeheapmige ii veahket doarvai su, reantodoarjjaloatna ii dalle miedehuvvo. Reantodoarjjaloana ii sáhte miedeheit stádasmahttimii, jus lea heaitimin dahje áigumin heaitit ealáhusa.

## 20 §

*Reantodoarjjaloana ja stáhtadáhkádusa ohcan*

Máksingeahpudeapmi ohccojuvvo eana- ja meahccedoalloministeriija nannen skoviin. Ohcamuša galgá doaimmahit guovllu bargofábmo- ja ealáhusguovddášii juovlamánu 31 beaivve rádjai.

Ohcamuššii galgá laktit čuovvovaš čilgehusaid:

1) bánggu čilgehus friijaruhtaduvvon visteloana dahje ealáhusa hárjeheapmai gullevaš loana kapitála ja reanttu reastamávssuin ovdal 1.5.1999 ja čilgehus loanaid geavahandárkkuhusas;

2) kopijaid ohcci vearroalmmuhusain mañmuš golmma vearrojagis.

Máksingeahpudeapmeohcamuša galgá doaimmahit bargofábmo- ja ealáhusguovddášii, mii das-to doaimmaha dan oktan cealkámušain eana- ja meahccedoalloministeriijai.

## 21 §

*Reantodoarjjaloana mearri, loatnaáigi ja reantu*

Reantodoarjja kapitála sáhtta guottihuvvot eanemusta dan sturrosaš meari go stádasmahttima loanaid kapitálain oktan vearuin ja eará goluin, loatnaeavttuid čuovvu reanttuin ja mañjonan-reanttuin oktiibuot šaddá. Reantodoarjjaloana sáhtta dán ášahusa mielde miedeheit eanemustá 10 miljon márkki. Reantodoarjjaloana ii sáhte miedeheit olgoriikkavaluhta mearis.

Reantodoarjjaloana loatnaáigi sáhtta leat eanemustá logi jagi. Loatnalágádusa reantodoarjjaloana reantu oažžu leat eanemustá dan sturrosaš go, maid loatnalágádus dábálaččat ain heiveha seammassullasaš loanaide ja dasa lassin ožžot dasa boah- tit vel reantodoarjjaloanaid miedeheamis ja

dikšumis boahtán badjelmearálaš golut. Eana- ja meahccedoalloministeriijas lea váldi leat dohk- ketkeahhtá loana reantodoarjjaloatnan, jus loana oppalašreantu spiehkasta ovdelis máinnašuvvon reanttus.

## 22 §

*Reantodoarjjaloana lokten, earrebeaivvit ja reantoáigodagat*

Miedehuvvon reantodoarjjaloana sáhtta loktet ovttá earis mañimustá juovlamánu 31 beaivve 2001. Reantodoarjjaloana earit galget leat dihto áiggiid ja ovttá stuorra oanádusearrin juogo bealle- dahje njealjádassjagi áigodagain.

## 23 §

*Reantodoarjaga sturrodas ja máksin*

Stáhta reantodoarjaga sturrodas lea eanemustá njeallje proseantaovttadaga. Loanaoačču galgá goittotge máksit unnimustá guovtti proseantta jah- kásaš reanttu. Reantodoarjaga nohkama mañná loatnaočču galgá máksit loanastis oppalaš reanttu sturrosaš reanttu. Reantodoarjja mákssojuvvo eane- mustá viđa jagi áigge.

Eana- ja meahccedoalloministeriija máksá ohcamušain reantodoarjaga loatnalágádussii gudege reantoáigodagas dahje dan oasis ain sierra.

## 24 §

*Reantodoarjaga máksima heaitin ja ruovttoluottamávssaheapmi*

Reantodoarjaga máksin sáhtta heaittihuvvot, jus loanaoažžu dahje loatnalágádus ii leat deavdán gáibádusaid, mat ledje loatnacealkámušas loana miedeheamis.

Jus reantodoarjja heaittihuvvo, dat mákssojuvvo loahpahanmearrádusa beaivemeari rádjai.

Reantodoarjja sáhttat mávssahuvvot ruovttoluot- ta, jus loanaoažžu ii leat deavdán loatnacealká- mušas ášahuvvon eavttuid. Ruovttoluottamávssa- heapmai, bearráigeahččamii ja dieduid addimii heivehit dan, mii ruhtadanlágas lea ášahuvvon.

## 25 §

*Stáhtadáhkádus*

Stáhtadáhkádusas mearreduvvo stáhtarádi sier- ra ášahusain.

2006

Nr 769

4 lohku

**Erenomáš njuolggadusat**

26 §

*Fábmuiboahtin*

Dát ásahus boahtá fábmui čakčamánu 1. beaivve 2000.

Helssegis borgemánu 10. beaivve 2000

Eana- ja meahccedoalloministtar *Kalevi Hemilä*

Go dát ásahus boahtá fábmui, de daidda eaktodáhtolaš vealgeordnedeapmeohcamušaide, mat leat jodus, sáhtta heivehit dán ásahusa eaktodáhtolaš vealgeordedeami njuolggadusaid.

Hálddahusráđdi Timo Tolvi